

凝結而爲雪。十月猶小。故云小雪。三禮義宗云。亥閏也。言陰氣勃殺万物。故亥主十月中。以配於水也。次天氣上騰。地氣下降。易云天體在上。陽氣歸虛元。故云天氣上騰。陰氣下連於下。故云地氣下降。各取其義不相妨也。次閉塞而成冬也。此也。恐時使有司助閉藏之氣。門戶可閉。閉之。牕牖可塞。塞之。大雪。十一月節。以配于壬。鷓。旦不鳴。此鳥求旦鳴。蓋是山雞也。大雪者小雪之相對也。鄭玄云。壬任也。閉藏万物。懷任於下。故壬主十一月節。以配於水。次武。武禮記拾始交。交猶合也。次荔。挺也。馬出。此時候應陽氣而出。艸也。依皇氏之說焉。冬至。十一月中。配于子。蚯蚓結。蔡云。結猶屈。蚯蚓屈首下嚮。陽氣動則宛而上。首故結而屈也。易通卦驗云。冬至。陽氣動於黃泉之下。子雖大陰之位。陽氣在內而動。其下。故居水之位。假令水外陰內明象。懷陽也。故子主冬至。以配于水。次麋角解。此時候麋角解者。雖說多皆無明據。但能氏云。鹿是山獸之陽也。故夏至得陰氣而解角也。麋是澤獸。陰也。故冬至得陽氣而解角也。麋爲陰獸。情淫而遊澤也。冬至陰方退。故解角。從陰退之象也。亦鹿爲陽獸。情淫而遊山也。陽方退。故解角。從陽退之象也。夏小正云。十一月麋角墮。墮是也。次水泉動。此時候無文。今按。陽氣漸動於水下也。小寒。十二月節。配于亥。雁北嚮。雁之北嚮。有早有晚。早則北嚮。晚則二月北嚮也。小寒者極寒之時。月初爲小。月半爲大。寒鄭玄云。癸揆也。陰任於陽而萌芽於物也。故癸主十二月。脫節字以配於水。次鵲始巢。詩緯推度災云。復之日。鵲始巢是也。復之日者。當次雉始。雉鳴也。詩云。雉之朝雊。尙求其雌。大寒。十二月中。配于丑。雞始乳。此時候無文。大寒者相對小寒。月半寒爲大。三禮義宗云。丑紐也。結也。繫也。言居于十二支終始之際。以紐結爲名。故主十二月中。以配于土也。次征鳥厲疾。鷺鳥征鳥者。鷹隼之屬也。時殺氣盛極。故鷹隼之屬。取鳥捷疾嚴猛也。蔡云。大陰殺氣將盡。故猛疾而與時競。次水澤腹堅。此時寒水盛而水澤腹堅也。謂水濕潤澤。厚水堅固也。腹者形體腹長。故爲厚矣。

右七十二候者。五日一候。十五日三候。一氣也。一月三十日。六候。二氣。凡一歲十二月。二十四氣。七十二候也。皆知草木萌芽鳥獸變化耳。以月令正義之說載之。十干十二支。以爾雅淮南子等之說註之。